

故宮博物院
珍藏

清高宗御製詩

詩

共十九冊
第四冊



故宮博物院編

海南出版社

故宮珍本叢刊第 553 冊清代御製詩文集

故宮博物院編

清高宗御製詩

第四冊（共十九冊）

海南出版社

圖書在版編目(CIP)數據

故宮珍本叢刊/故宮博物院編。—影印本。—海口:海南出版社,2000.6

本書包括:萬壽詩/(清)世祖撰·清聖祖御製詩/(清)聖祖撰·清聖祖御製文/(清)

聖祖撰等 17 種書

ISBN 7-80645-664-3

I. 故… II. 故… III. ①詩歌—作品集—中國—清代②散文—作品集—中國—清代

IV. I214.91

中國版本圖書館 CIP 數據核字(1999)第 63607 號

故宮珍本叢刊第 553 冊

清代御製詩文集

清高宗御製詩

第四冊(共十九冊)

故宮博物院編

責任編輯:李升召

*

海南出版社出版發行

海南省海口市金盤開發區建設三橫路 2 號 郵政編碼:570216

湖南省新華印刷三廠印刷

湖南省長沙市韶山路 158 號 郵政編碼:410004

本書正文用紙由金城造紙(集團)有限責任公司生產

*

2000 年 6 月第 1 版 2000 年 6 月第 1 次印刷

開本:787×1092 毫米 1/16 印張:27 印數:1-400 冊

ISBN 7-80645-664-3/I·68

定價:6630 元(清代御製詩文集 17 種共 42 冊)

本書如有印裝質量方面問題請與我社或承印廠聯係
我社為本書每冊(種)書新編的目錄均置於每冊書末

御製詩二集卷之三十一

古今體九十首 壬申一

壬申元旦

曙色昕昕杓轉寅青陽景運啓元辰祥徵仙
木豐為瑞善作心田福自申玉帛萬方咸奉
朔惕乾一意永勤民守成休息吾初志却愧
仁風扇未淳

新正試筆

首祚韶年此日開敷天吉事與偕來綵屏誌

御製詩二集 卷三十一

喜翔銀燕綺室知春綻玉梅協氣中和欽五
位從星風雨驗三台貞元消息如環轉省歲
勤民又始哉

元旦宴諸王六韻

天下人增歲寰中物報春簋罇酬上日禮樂
本彝倫大典踈情誼內朝展燕親青陽欣序
啟第祿迓天申映座枌花麗盈庭鷺羽振和
平歌斂福敷錫萬方民

正月二日小宴廷臣

白獸規如上日陳九經曰敬繼親親誼聯堂
陸承

天貺化遜唐虞願俗淳寶鵲占年祥壘富鴻
龍運斗氣和閭言言莫亟相稱頌同是吁咨
籌治人

題文徵明小像

士也忙然允之

沈德潛持明人畫徵明小像乞題句徵明故正

飄然巾墊識吳儂文物名邦風雅宗乞我四
言作章表較他前輩慶遭逢 德潛更為徵明祠乞額因以德

御製詩二集 卷三十一

藝清標四字賜之德潛額手稱慶且自謂生
若非遭際之隆將同徵明沉滯終身云
平德藝人中王老去操持雪裏松故里遺祠
瞻企近勗哉多士善希踪

張宗蒼蘭亭圖

永和脩禊會山陰畫本詩情足古今峯嶺當
春多暖翠林泉入勝有清音墨池誰繼跳龍
法文席如聞倚樹吟結構分明舊相識昨來
飛蓋記曾臨

瑞樹歌

長白之山天所作隆崇案衍隣嶠嶮衆水之源會其極中產萬木兩儀神秀鍾於茲萬木傑池鬱爭長問年皆在循蜚疏仵時以上厥有瑞樹為之伯如星拱北羣所瞻仰栖靈祇命圖以來真神奇畢歆河本鴨綠支船不能進易威呼溯流而上乃至西埒墨勒溪威呼又不能進捨舟陸行一由旬斯見瑞樹臨厯屢近樹無凡草金光蔚敷披聳身三丈五尺餘叶七分去二其合圍上分十有二大枝莖

御製詩二集

卷三十一

三

葉輪囷各異姿其種有八若列眉松檜白楊遮勒穆期紮樺白樺密克特木及白榆叶自頂至根合十餘丈崢嶸參差靈芝九本三秀滋是皆紀實非虛詞乃信神壤天所秘未許塵世尋常窺大椿徒傳八千歲較此奚啻父視兒特一瑞樹真足陵駕前古史所垂宜乎長白之山開我國家萬年有道無疆基

重華宮侍

皇太后宴

初春景物望和韶繡衮承歡載頌椒寶籙重欣開綺甲瑤觴首介獻芳朝沈香火底銀簧暖濃麝風前玉藥嬌願共寰中尊愛意千秋萬歲奉

東朝

古榦梅歌

槁木中有生意存恰似一陽來地底初番花信小寒前早綻梢頭兩三蕊獻春開歲報韶光玉筴珠輝乃纍纍江南諸物都不愛僧寺

御製詩二集

卷三十一

四

瓦盆驚見此鉛華洗盡識真梅鄧尉萬樹皆孫子鳳舸延賓攜以來添作佳談復爾爾溫室開花早去年篩簷暖日明窓紙南暄北冷固常經遲速隨時惟定理於何燦發先去聲江鄉消息誠難問花史或云去年花有待南國今仍爛漫矣當亦偶然何足奇聊為濡毫貌形似

賜顧棟高

老不中書尚著書

棟高雅正年皤然鶴髮被問曾為中書

簪裾澹辭待詔來金馬榮為通經到玉除詎

曰宸嚴常穆若欲諮民隱便傷如題屏合倣

王家例一語還淳足起予

文章風雅數東吳誰似沈潛味道腴為慕談

經虛左席用宏錫類慰慈烏從教馬鬣榮光

賁要使蓬門義路趨不是沈香呼學士貂璫

扶掖重醇儒

古陶缶歌

鳥卵其形口在腹腹脗口弁德能畜製貽太

御製詩三集

卷三十一

五

古匪今俗坎離既濟質惟朴用缶鼓缶義經

卜渾侖善好無薛暴叶土蝕萬年黜以穆壽

逾金石貴珠玉簋簋敦彝下風伏徒紀癸丁

及仲叔陶於河濱此其躅承漿酌酒來百福

董邦達秋山紅樹

雲表蒼峯迴不羣風翻紅葉落疑紛畫禪慣

解開生面古淡中餘錦繡文

張宗蒼雪谿飛瀑

珠貝林柯蒼葛園琉璃殿閣玉為垣飛流不

共寒江凍為識雲中別有源

雪正月六日

瑞葉舞風翔新年第一祥宵夜欣我慰寶穡

卜其康踈密彌臆宇高低積素光試燈增玉

麗祈歲協金穰時祈辛怡映宜春帖應成志

喜章豫齊均待澤翹望江鄉

祈穀齋居

大祀重初辛清齋潔意身幸看田積玉恰應

日臨人咨政常多愧求賢若可親敬勤隨歲

御製詩三集

卷三十一

六

永憂樂後先頻

人日

相沿稱七日首祚應斯民恰擬陽初復欣覘

物共春韶英從舊徹正月七日值國忌例屏

綵展新陳靜驗冲融志惟懷人者仁

命鄒一桂為設色古榦梅輒疊前韻

繪事設色久不為祇以節末非根底結習其

如未盡忘時復淡墨寫生蕊盆中古榦識春

工不作尋常百珠疊暗香踈朵五六丁叫絕

梅花賴有此常見南極老人圖
鮐背睥面如童子我會其意不能工
北門學士其咨爾粉本略具試設色
發墨更喜宣德紙西清渲染不多時
已為華光傳妙理富麗何須百首詩
詭奇似閱千年史桃夭杏豔誠彼我
漢栢唐槐視此矣歌成大笑謂小山
無乃爾為太相似

偶題

殘冬間去聲懶吟篇春來興發言
泉佛法不虞

御製詩三集

卷三十一

七

爛却詩裁想亦云然

詣齋宮作

祈穀鑾儀穀日排齋宮咫尺致虔齋
試燈風景皇都麗返樸還淳為切懷

銀色界中憑玉輦天膏濃處沃心田
千門萬戶瞳矐日並作祥光與瑞烟

和韶九陌靄氤氲一雪從教物盡欣
無象太平真在此豈關頌語飾繁文

瞻禮

皇乾殿

本朝

壇廟仍前明之舊百餘年矣因命次第重脩

適

皇乾殿工竣

祈穀預日例本應躬詣行禮載瞻枚實用愜

惓惓七字成詩千秋示志

郊廟規仍勝國遺百年應事鼎新之

三朝有待非從簡此日無遑敢更遲經始次

御製詩三集

卷三十一

八

當

祈穀後落成恰值預齋時式瞻輪奐申初敬

志切康年鑒在茲

祈穀禮成述事

首歲欽

元祀惟

天降百祥始升顯夜氣告脩靄晨光志愜羣

寮慶心殷萬寶穰春祈十七度久敬敢云遑

重華宮小宴大學士及內廷翰林諸臣

重華文宴集羣仙瑞映瓊樓霽景鮮民瘼心
關既均此

天恩額慶合同然閒拈吟管聊酬節筴指春

杳又隔年去年南巡未舉是宴賀監金門重應制致予

逸興益飛遄沈德潛尚末南歸亦命預坐

莫開十葉應昌辰和會衣冠燕愷申生面齊

看戲毬獸別裁奚藉捉刀人毋相容易一堂

樂共尚疇咨四海春嘉夜傳柑遲五日冰輪

如待載賡頻

御製詩三集卷三十一

九

雪獅聯句

御製精瑩玉質狀昂藏似虎如何不正黃占吉

辟邪誠備德

懷仁感澤自含章騰空瓊島凝天骨蹲

踞寒坪閃劍鉞前耳濕時如拂子臣史貽直

白毫淺色似針秧康居珎遠留唐賦王

會朝正比宋坊詎可擾馴因號國臣陳世倌

略施搏撓只依墻金毛種類何緣別白

澤貞符尚可詳皓體忽看呈兀兀臣阿敦

御製嚴稜益覺厲泚泚一羣曾並來疏勒六出
劉欣舞載陽奚必周詩羨麟趾

合教垣宿應金芒迎年儘見千門戲職

賦無勞萬里航擬以白超真彷彿臣梁詩正

貌來烏弋重評量靈通手底嗤塗墨素

積天邊異垵糖鈎砌粧成偕獸舞臣蔣溥

玉墀擁護絕鵬翔凝然豈識拋毬引塊

爾無妨擲戟搶氣噤反唇含霹靂臣劉純勳

御製凍乾強項挂鈴鐺詎同獬豸供人弄却避

御製詩三集卷三十一

十

蝗蟲兆歲穰乍睽星晴飛列缺

偶掀鬚鼻顛狼臙鋸牙一一排銀爛鈎

爪森森浴鐵強飄絮從看添輦毳臣孫嘉淦

形鹽端可傲破霜出林有勢平跳躍伏

地無聲遠却攘華薩七毫原是夢臣江敦

釋迦五指若為狂照書足貯彭亨腹觸

伎常留潔白腸瓊苑高蹲疑瑞鹿臣嵇璜

御製瑶階特立想神羊具威喜怒看首尾善吼

色空演幻常搏象兎均全力注

角魚龍戲廣廷張貼來紈剪西縣屬騎

出奴翻假面涼安息天高還帶露臣介福

曼殊座冷不飛香珠垂瓔珞留金殿色

借牟尼護寶床煙罩化為藏霧豹臣嵩壽

月朦認作失林麋齊檐競訝來深巷埽

徑新堆集廣場天關分形高岌岌臣董邦達

御製崇牙並列猛趨趨茸蹄却遜喻騰迂而尾

猶疑閃灼光砌塑爭聽兒女鬧

詭奇可使豹狸僵似聞窻窻雄羣鷲欲

御製詩三集卷三十一
奮之而震遠荒鱗甲紛從玉龍舞臣沈德潛

規模學得土牛裘晶英恍惚銀泥印清

冽胚胎水玉相簇簇簾前多抱子臣錢陳羣

皚皚石畔儼成行殘雲猶與添拳鬚晴

旭初驚射怒睚道溯越山蕪越海臣錢維城

御製兆覘時雨又時暘猗猗豈必歸全幻融潤

還因濟太剛慎德不期西旅貢熙春樂事報

農祥

沈德潛和韻有林壑已安仍戀主潞河

歸棹敢云過之句因疊前韻賜之

人間果見地行仙鷓鴣驚行中鶴羽鮮恩許追

歡謂恬若情殷惜別乃凄然此人此語仍如

昔吳水吳山正有年分付春風莫相忘好吹

帆影再來過

再來應是歲庚辰庚辰為朕五十萬壽年曾與德潛訂約屆期來京慶祝

祝珎重高年命屢申早識雲卿擅當代不教

疏傳獨前人華茵聯句朋猶昨綺閣懸燈物

共春眠食倘彊思亟見宴陪撒荔莫辭頻

御製詩三集卷三十一
新春奉

皇太后駐蹕圓明園

西山積素見龍從六出重欣旋舞空景益上

林初報喜吉占多稼敢言豐行春玉樹銀花

麗侍

輦千秋萬載同却拍鼇山成隔歲青郊燈事

記途中去春因南巡燈時未至園中

曲宴外藩即席得句

朝正肆觀集賢王宴錫優駢制有常藉爾屏

藩寧北塞贊予垂拱迪

前光圓廬寫月紅雲擁廣樂熙春紫鳳翔三
爵油油稱既醉有人頗會漢文章

雪後萬壽山

雪色由來無不宜寂宜玉燼疊參差新年行
樂來初地應節占農喜及時晴靄未教融凍
浦春風已覺綻南枝歲華合是依清曠綈几
瑤篇為少遲

宴準噶爾夷使並許觀燈

御製詩三集

卷三十一

十三

典屬宣夷使觀燈錫寵榮銀花爭雪艷火樹
入宵明常凜勤邊戒聊通職貢情羈縻西旅
族邇亦解朝正

上元前夕

讓月魚雲朗慶霄太平燈節九瀛朝恒春樹
擁三山近不夜花開萬朵饒疑有仙人來貝
闕又聽樂府按雲韶冰輪遮莫分毫欠禁弛
金吾第一宵

上元燈詞

高揭冰輪朗照空晚來又定紫瀾風今年燈
景增妍麗都為含花雪告豐

一綫煙光萬景舒紛垂銀蒜復金渠烏斯藏
使到陪宴西域燈輪說不如

虹光百道絳霄流山外珠林水外樓即景銀
牋試題句團圞寶月正當頭

雪餘玉樹釀微寒燈火南城夜未闌寶馬珠
簪明月裏踏歌聲喜遍長安

行春去歲憶南巡郊野煙花亦可人今夕縱

御製詩三集

卷三十一

十四

饒宮蠟艷為田那忘觀光民

燈影遊絲簇畫圖合教麗句叶笙竽詩人老

去耽清澹那更繁華憶舊吳

謂沈德潛

巧匠裁羅更剪綾爭奇裝作上元燈逢歡轉
念還淳責不道當然道未應

御園燈事乍經年鶴唳鼇山倍覺妍舞作太
平天下字敢忘夕惕與朝乾

上元後日小宴羣臣並命觀燈

一葉瑤階報落莫流陰瞥眼信無停頗饒逸

興留哉魄莫遲去聲連吟負始青雪朗西山送

寒色花輝東壁發春馨文筵例繼上元夜好

駐清光筆有靈

直廬何必擁青綾上苑相將玩影燈適值萬
幾方少暇湯誇百穀已咸登鼇山顛顛須臾
駕雁塔光明不計層為問四明歸賀監踏歌
應制可重曾

題漢玉壁

藉甚結璘車飛來古月如古雲常暎護精氣

御製詩二集

卷三十一

十五

早含儲佩德思無斁不雕質有餘永惟君子
貴詎止重瑤琚

詠芝

瑤光蜚景彩協氣凝祥產九英標翠柯三秀
成金篆湯言龍馬如詎必石木辨招隱結遐
思求仙率荒誕德至則何有老養斯方勉

題莫景行西湖草堂圖

驚望湖山有所思遙情千里座中移玲瓏更
見雷峯塔喜未曾經劫火時

隱君景行外史張雨契知音供養煙雲寄靜心我

覺明湖絲竹開同然先得畫留今

山東得雪志喜

青齊去歲歉晚收所希小稔登麥秋屢聞三
白欠冬月惻然南顧心懷憂浙東况復災較
重朝夕蒿目無良謀截漕已過三之一太倉
所資命亟留邇來入春纔數日瑞雪頻見霏
皇州一以額慶一以望不知近遠均霑不忽
傳大吏報得雪云始齊魯逮魯鄒遺蝗入地
御製詩二集 卷三十一 十六
無復患舉趾足可興鋤耰嗟我灾黎庶少濟
用此稍慰舒眉頭慰餘展轉愁復繼至今溫
台米價涌貴無停休

晴

雨雪既霑足春日喜載陽盎盎融朔氣霽霽
舒曦光候占驚蟄屆東郊舉趾將宜暘適惟
時額手三農慶而我厚慰北望恒皇皇塞
垣拂廬族生計惟牛羊當春草未萌所慮風
雪涼冰甸孳畜凍徃徃為災傷内外皆我民

胥頤獲安康彼此異苦樂兩得斯為良而恒
不可得幅員廣且長異或同一晴片時心萬
方

觀近稿偶題

年來微覺賦詩多即景還頻選字哦業就無
妨姑且置再繙或已忘如何鯨魚碧海非吾
事華日卿雲慕古歌只有勤民心可驗時時
憂樂寄書禾

丁雲鵬掃象圖

御製詩三集

卷三十一

七

語言不著坐金神掃象真垂示應真法供是
誰稱愜當紫檀軸首白檀身

文嘉支硎草堂圖

山水清音草木馨傳神不問識支硎蒼巖阿
那雲深處我亦微吟得少停

青蓮朵

客歲駐輦杭城偶於宋德壽宮故址尋
所謂藍瑛梅石碑蹟碑尚傑監梅已槁
仆而其側猶有推萎瓊瓏碑兀刻削者

一峯存焉撫摩良久迴鑒後地方大吏
竟以舟便致貢念事已成留置御園既
悔曩時未頒卻貢之旨轉思此石之來
將毋惜江樹之頽懷碩果之歎耶名之

曰青蓮朵而繫以詩

化石玲瓏佛鉢花雅宜旁置綠蕉茅皇山峭
透房山壯蕪美端堪傲米家
傍峯不見舊梅英石道無情亦愴情此日荒
涼德壽月祇餘碑版照藍瑛

御製詩三集

卷三十一

六

梅忘石在石誰憐碑蹟長從梅石傳石過江
來碑獨在江梅春到總依然

烟霞飽領西湖秀風月新叅七字吟一晌閒
庭憑峭蒨吳山重為寄遐心

刻削英英陸地蓮一拳提示色空禪飛來驚
嶺分明在幽賞翻因意懽然

填倉日題

焰炮春鐙雪埽花六街人尚戀年華昔傳端
識今堪例鬧後從看靜可嘉十字雲腴謾說

餅一盃露馥且分茶拈毫即景艱成句慙愧
詞臣頌八义

前題又作

春雪既霑足宜晴啗萬彙和風不鳴條澤潤
遍大地此日稱填倉俗例有深意于耜舉趾
時預籌一年計九州足倉箱萬民無一事生
息滋以繁日給尚虞匱豈易得餘三虛置倉
中積益凜祈年心庶可徐言治

初春遊玉泉山即景五首

御製詩集

卷三十一

九

春雪初消嵐翠蒸玉泉報我景堪馮青龍橋
畔纔清蹕興到煙霞最上層
村路紆徐塍疊鱗土膏脈起不生塵柳將開
眼花含蕊雅似江南二月春

溪畔機房桑柘扶水田新闢治菜汙欲因幾
暇頻來往好閱天然耕織圖

構築精廬仿惠山竹爐清伴片時閒名泉有
德無分別豈較尋常伯仲間

為第二故
戲及之

去年品泉以玉
泉為第一惠山

碧泓春水映船脣別院韶光已可人江硯宣
毫供即景却輸開府擅清新

正月晦日作

春氣和而盎春郊蘇以滋階實金落日輪桂
摠韜時華節堂堂過條風漸漸披凍開明鏡
影芳洩綠楊枝代序真堪念健行勉自持摛
詞荅韶令誰繼考功詩

題張宗蒼雪景

紅樓疊樹玉交枝石面皴銀瘦益奇習靜已

御製詩集

卷三十一

二十

看僧戶閉衝寒偏有客舟移飛流破凍垂深
澗積素因風墮側陂想像行人迷竹塢幽居
何處認茅茨

賜別沈德潛南旋之作

聞道冰開潞水隄歸舟無那挂帆溪剛欣西
苑重酬倡又向東風惜解攜杜老終懷故鄉
樂謝公曾眷友人睽百寮儘有懸車者囊載
宸章孰爾齊

宋瓷鼎

見說輕堅大邑瓷幾曾髻墜匠師嗤餅盆徒
供家人饋均汝遥傳脩內司無益害功伊古
戒大烹養聖繫吾思穆然葆采陳棐几介紹
鳧罇與鳥爨

仲春齋居

閨餘節令早仲月氣已和春草吐新色春水
生微波土脉既欲動舉趾將日多祀典卜上
戊於古重祈禾宿三此預齋志一戒貳他安
能忘九寓屢豐額則那戶口况日增穀貴理

御製詩集

卷三十一

五

亦宜叶逢年惟苟支失秋饉遂加叶調幕增
已慙填壑憂民瘡

唐人江城春午圖

江城若為好春午最相宜素絹成圖日青蓮
得句時花光漪錦浪晴色裊遊絲竭憶潤州
北居然坐對之

恭祀

社稷壇禮成述事

舉趾東郊農務臨質明承祭奠

居歆春祈秋報從常典民穀王封合並欽方
俎脩陳肥腠物崇牙疊奏太平音潔觴三獻
昭和德養方占歲在壬

春仲經筵

間濶經筵意未安

去歲以巡狩未舉是典

東風廣厦集

儒官不惟勤學因時寂要復存羊俾後觀制

事期無適莫見知人更念惠懷難

是日講尚書知人則

哲四句論語君子

之於天下也一章春卿儀注百寮式詎道從

容禮數寬

御製詩集

卷三十一

五

玉鵲

此鵲惟神鵲其鳴不浪鳴真看以玉抵豈是
啄槐成善肖彊彊態空傳喈喈聲翩翩在懷
袖占喜愜人情

仲春瀛臺即景二首

冰開太液試遊龍鏡面樓臺瑞靄重傍岸青
含新芷刺隔林白引曉煙封都來幾日因循
過便覺芳春次第逢緣底行時今歲樂東郊
雪後土膏濃

柳生稊際花含蕊花柳相宜爛漫前綠渚浴
鳬新樂趣玉梅落瓣舊韶妍輕寒不勒萌青
草細響纔淙帶碧泉與物同遊春浩蕩奉時
布化協天權

承光殿

朵殿中間埤堦高光春臨眺興因豪庭前檜
匝陰千步隄外船添水一篙機暢鳶飛與魚
躍景明玉螭復金鰲低雲又隱西山色好及
耕時潤土膏

御製詩三集

卷三十一

五

題錢維城蒼崖烟磴

疊磴平懸若可登連林霞蔚復雲興箇中似
礙窮遙目擬據千峯最上層

命加賑浙省去歲被灾州縣詩以示意

兩浙去歲灾東較西為甚嗟嗟我黎民啼饑

缺餐飪石粉聊充餓因以致病瘦金衢山中

充饑民有張以疾苦欲盡知終夜不安枕救

灾無奇方屢留太倉稟晚秋縱稍獲舖啜僅

餘瀋青黃不接時艱食行哀諭申命地方吏

吾意其悲審食爾無安肉衣爾無安錦為民
之父母曰惟爾及朕子餓父則飽於心其奚
忍叶賑濟期雖溢更發我倉廩博施慎無遺
庶蘇彼惻慄梗概示端倪施行尚慙憊人力
惟小補仰望早稻稔

春雪

北方多春雪宜暄不宜冷著地為新澤灑空
帶輕影東郊麥紐芽遙看青被町過虞凍孚
甲吾心為耿耿晨興對時晴王羲之快雪時晴帖墨蹟每於

御製詩三集

卷三十一

五

雪窓展玩故云評書酌清茗

晴

雪化疑春雨風和湊午晴如酥千畝潤似毯
二年萌允協時平秩還欣物向榮明朝西直
外憑輦閱新耕

詣暢春園

皇太后宮問安

經筵祭

社勅春官數日仙園關問

安敬悉

起居增慰藉對時撫景摠生歡

御苑韶光已不遲山隈欲綻小桃枝更將麥

隴青蔥象奏博

慈寧一笑怡

昆明湖泛舟之作

春舟泛春水如友邂逅新左右無不宜行止

咸欣欣綠蒲未隱岸白芷纔刺潯鏡影涵疏

峯濯濯亦可人旅雁自南來沙渚相依親明

御製詩三集 卷三十一

朝還北去迴望瀟湘雲

山桃花

江北桃先杏江南杏先桃月令及花史定論

終訛淆邇日多東風火迫洞口條絕勝纔依

依何必競天天兩年御苑春往往途中拋歲前

歲巡保陽去臨芳思倍佳斐然命宣毫

賜題夜紡授經圖

索觀錢陳羣香樹集有題其母夜紡授

經圖慈孝之意惻然動人且以見陳羣

問學所自來也輒成二絕句題之

篝燈課讀澹安貧義紡經鋤忘苦辛家學白

陽諳繪事成圖底事待他人陳羣母陳氏善畫

五鼎兒誠慰母貧吟詩不覺鼻含辛嘉禾欲

續賢媛傳不愧當年畫荻人

偶閱左傳宋楚泓之戰事因題

阻隘鼓僂雖失正徇名昧義詎非癡經書明

鑒傳千古識務通權用者誰

雜詠

御製詩三集 卷三十一

天下非常事可一不可再做之善已差不善

翻致敗如彼西施顰效益增醜態真宗封劉

氏所累君德大李沆焚手詔不計已利害臣

沆為不可老臣實忠愛意直詞則婉君子其

言藹神宗勅吏部久任示規誡因納御史言

撫鎮數進退責成戒紛易政要庸何礙而胡

王家屏封還博佳話黨同庇其私諤謂國體

賴柔懦權下移國體益大壞明不旋踵亡其

忠乃安在

題漢玉印章

紐篆見炎劉圭璋德並儔龍文席筍煥虹彩
屋梁浮不見雕鏤迹欣供什襲哀遐思元凱
後又遇十人周向歲秦漢如逢十六枚為一匣
共贖治之句茲閱數歲又集此
十枚為一匣藏之故末句及之

御製詩二集

卷三十一

壬

御製詩二集卷之三十二

古今體九十七首 壬申二

花朝

九十春過半花開未一分春光信不少假藉
花事胡乃偏逡巡含胎紅杏潤曉露綻蕊緋
桃烘暖雲去年此日江之濱廣陵節物撩眼
新絲絃急管頗覺鬧雪梅水仙別有神朝來
更不宣樂部清賞轉憶邦江民

水周堂

御製詩二集 卷三十二

一

湖上搆洞軒四面滄浪意憑欄寒白芷沙棠
不須試卧波虹飲練倒影山澄翠怡性翰墨
芳樂志智仁脩水周擬虛舟淺言具深義常
漂苒卿論匪慕莊生致

雨

江南春盼晴冀北春艱雨損彼益此間兩地
均得所族雲邇日濃脈起東郊土勾萌含潤
澤韶景滋和煦朝來霏細絲樂趣同農父濯
枝聲不喧津莖葉初吐園林致益佳大似吳